

Leterenji Poli à tun Filipi kànhe dánafeebil'á kè

Mpe yii à yaa yii cè mà jwo yii jyè leterenji funṅo jwumpe e ke

Filipi kànhe na mpyi Masedoni kùluni kànhe kà. Yahutuubii mpyi a nyaha wani mē, pi mú bá mpyi a shiin ke kwò si nta nò pi Kile Jwumpe kàlambaga faanra mē.

Tèni i Poli à sà Jwumpe Nintanmpe jwo wani ke, lire tooy'e pìl'á piye kan Yesu á maa mpyi dánafee (Kapyiṅkii 16.11-40). Dánafeebii kurunke shiinbii fànha mpyi supyishiṅi sanṅi, Yahutuubii mpyi a nyaha pi e mē. Lire kàntugo u kùsheeni là tooy'e, fànhafeebil'á u cù a tò kàsuni i Jwumpe Nintanmpe njwuṅi kurugo. Filipi dánafeebil'á yire lógo ke, maa wà tun ná bùnye yaay'i, u sà ṅkan u á kàsuni i. Nye Poli à ṅge leterenji séme mà u yaha kàsuni i, maa fwù kan pi á. U jwump'á yaha tíi ná funntange e, ṅkemu i dánafeebil'á yaa pi pyi yyefuge tèrigil'e ke.

Poli à li cya Filipi dánafeebil'á pi mbèṅi yaha u kwòro pi ná piye shwòhòl'e. Yesu Kirisita à uye tírige pyiṅkanni ndemu na ke, maa li cya pi á, pi piye tírige piy'á lire pyiṅkanni na.

Cyelentiibii kafiniviniibii pìi mú na mpyi wani, pire la mpyi si fànha cyán dánafeebii na pi raa Yahutuubii saliyaṅi kurigii jaare. Pìi sí na mpyi wani, pire mpyi na pi nyii karigii kanni pyi. Poli à nje yerēyi kan dánafeebil'á mà taha cyire kapyaaṅi shuunniṅi na, bà pi si mpyi s'a piye kàanmucaa mē.

ṅge leterenji funṅo jwump'á li cyèe na Filipi dánafeebii kyal'à táan Poli á sèe sèl'e.

Jwumpe tasiige

1 ¹ Mii Poli ná Timòti, wuu pi nye Yesu *Kirisita báarapyii ke, wuu pi à ṅge leterenji séme, si ṅkan yii Kile wuubii ná yii kàanmucyafeebii ná tēgefeebil'á, yii pi nye Yesu Kirisita wwoṅeṅe e, Filipi kànhe e ke. ² Wuu Tuṅi Kile ná wuu Kafooṅi Yesu Kirisita pi jwo yii na, pi i yyeṅiṅke kan yii á.

Poli à li cyèe Filipi dánafeebii na na pi kyal'à táan ur'á

³ Tère o tère e mii à sòṅṅo yii kyaa na ke, mii maha fwù kan Kile á.
⁴ Mii aha a Kile jaare yii kyaa na tère o tère e ke, mii maha u jaare ná

funntange e, ⁵ jaha na ye mà lwó ku tasiige e mà pa nɔ fo nume na, yii à mii tège Jwumpe Nintanmpe njwuŋi na.

⁶ Kileŋi u à uru báaraŋi niŋceniŋi sii yii e ke, mii à tèn ná l'e na u sí uru pyi yii e, zà nɔ u tegeri na Yesu *Kirisita cannuruge.

⁷ Mii à yaa mii u a sɔnŋi lire sɔnŋɔŋkanni na yii kyaa na, jaha na ye yii kyal'à waha mii na sèl'e. Mà mii yaha kàsuni i, lire nye me mà mii yaha mii u Jwumpe Nintanmpe báami maa pu pyàagii sɛnmege na jcyère sùpyire na, Kile à jwɔ mii na maa uru báaraŋi ŋgemu kan mii á ke, yii à pyi mii wwoŋe uru báaraŋi i. ⁸ Kile yabiliŋ'à li cè na bà Yesu Kirisita à wuu kyaa táan uy'á me, amuni yii kyal'à táan mii á sèe sèl'e.

⁹ Nde mii na jáare Kile á ke, lire li nye, tàange ku nye yii ná yiye shwɔhɔl'e ke, kuru k'a si yyaha na, yii i yákilifente ná jceni sèe wuŋi ta, ¹⁰ bà li si mpyi ndemu l'à yaa ná yii e ke, yii i lire cè me. Lire e yii sí n-pyi sùpyii mpiimu pi à tíi, maa mpyi tìgire cyaga baa, fo zà nɔ Yesu *Kirisita cannuruge na ke. ¹¹ Yii karigii puni sí raa n-pyi ntiŋi funŋke e ná Yesu Kirisita fàhhe e. Lire li sí metange ná pèente taha Kile na.

Poli kàsuni njyìŋ'à Jwumpe Nintanmpe pyi p'à nɔ cyeye niŋyahay'e

¹² Mii cìnmpyiibii, mii la nye yii i li cè na kyaage k'à mii ta ke, kuru bá à pyi kaŋuŋò mà shinnyahara pyi t'à Jwumpe Nintanmpe lógo. ¹³ Jaha kurugo ye saanbwɔhe pyenge shiinbii ná sùpyire sannte pun'à li cè na *Kirisita kurugo pi à mii cù a pɔɔ naha kàsuni i. ¹⁴ Lire e mii kàsuni njyìŋi kurugo, mpii pi à dá Kafooni Yesu na ke, pire niŋyahara à piye waha Kile jwumpe njwuŋi na sùpyir'á, fyagara baa.

¹⁵ Sèe wi, pìi maha Kirisita kyaa yu mii báaraŋi yiŋcyege ná u nyipɛenni na, ŋka pìi maha u kyaa yu ná funvyinge e. ¹⁶ Pire maha uru báaraŋi pyi tàange funŋke e, jaha na ye pi à li cè na mii nye naha kàsuni i s'a Jwumpe Nintanmpe báami sùpyir'á. ¹⁷ Ŋka mpii pi nye na Kirisita kyaa yu ná mii báaraŋi yiŋcyege e ke, pire funzɔŋɔre nye a jwɔ me, pi maha lire pyi si nta là bàra mii yyefuge na naha kàsuni i. ¹⁸ Ŋka pi na lire pyi ná funpceniŋ'i yo, pi nye na li pyi ná funpceniŋ'i mà yo, mii kuro nye yire e me. Kirisita kyaa na yu sùpyir'á mà kwɔ ke, lir'à mii funŋke táan.

Là bá sí n-bàra mii funntange na, ¹⁹ jaha na ye mii à li cè na yii Kileparege ná Yesu Kirisita Munaani^a fàhhe sí cyire kawaagii kɛenŋe mpyi mii á, sí ta kuro. ²⁰ Nde mii nye na sigili ná na zòmbilini puni i, maa na sɔnŋɔre taha li na ke, lire li nye, mii si n-sii n-sílege si raa Kirisita père ná naye puni i me. Mii sí raa lire pyi fyagara baa bà mii à li pyi tanjaa fo mà pa nɔ niŋjaa na me, ali li mée ká sàa bê ná mii múnaani i.

^a1.19 Yesu Kirisita Munaani ná Kile Munaani nye niŋkin.

²¹ Naha kurugo ye mii múnaani nye a taha yafyin na ŋke ñiŋke na Yesu Kirisita wwoŋeɛge kàntugo na me. Mii aha ŋkwù, mii sí kuru wwoŋeɛge tònŋi ta. ²² Ŋka mii u mɔ shì na, kampyi lire sí n-jà mii pyi mii u báara niŋcɛnɛ pyi sahaŋki, nye mii sàha naha a niŋjwuyo cè me. ²³ Mii funŋke na mii shwóhɔli cyire ŋcyii kapyaaŋii shuunninji shwóhɔl'e. Mà kwù, maa mpyi ná Kirisita e, lire l'à táan mii á, lire tònŋi mú u à pèe. ²⁴ Ŋka mii u pyi shì na, lire li sí n-pwóro yii á sèl'e. ²⁵ Mii mú s'à tèn ná lire e. Lire kurugo mii à li cè na mii sí tère pyi yii puni taan, si yii tège, bà yii si mpyi s'a sè yyaha na Kile kuni i ná funntange e me. ²⁶ Lire e mii aha núr'a kàre yii yyére tèn ndemu i ke, lire sí yii ñùnyi yîrige Yesu Kirisita wwoŋeɛge e.

²⁷⁻²⁸ Ŋka Jwumpe Nintanmpe p'à jwo Kirisita kyaa na ke, yii kapyiinŋkii pun'à yaa cyi yyaha tíi ná pur'e. Mii nye yii shwóhɔl'e yo, mii laag'à tɔn yii na yo, li tɛgeni li nye mii u lógo na yii na wá a kwóro ñwómɛɛ niŋkin na^b, maa yii sònŋore pyi niŋkin, maa yii fànhe pyi niŋkin báaraŋi na, mpii pi nye na Jwumpe Nintanmpe tùnni ke, bà yii fyagara baa wuubii si mpyi si pire sige lire na me. Pire u kapyiinŋkil'à li cyèe na Kile sí pi shi bò, yii kapyiinŋkii s'à li cyèe na Kile sí yii shwɔ. Kile mú sí u à lire yaa, ²⁹ naha na ye u à ñwɔ yii na, maa yii pyi yii à dá Kirisita na, lire kanni bà me, maa yii pyi yii à kyaala u kurugo mú. ³⁰ Mpii pi nye na Jwumpe Nintanmpe tùnni ke, zhìŋi yii mpyi a nya mii u leni ná pire e, ná mii saha na u leni nume ke, uru zhìŋi shiŋi yii na leni nume.

Yii yiye tîrige Yesu Kirisita fiige

2 ¹ Nye ná *Kirisita à wuu tège wuu u màban leni wuye e, maa wuu zòmpyaaŋii taali tàange cye kurugo, maa wuu pyi wuu à wwò *Kile Munaani cye kurugo, maa wuu tège wuu à pyi ñùñaarafee ná ñùmpinŋfee, ² lire e ke, yii yii sònŋore pyi niŋkin, yii yiye kyaa táan yiy'á, yii bê yii i mpyi niŋkin. Lire ká mpyi, mii funntange sí n-fúnŋɔ. ³ Yii àha raa yii karigii pyi ná yinŋcyɛge e s'a yiye cyère me, ŋka yii yiye tîrige, yii yiye yaha pi sanmpii kàntugo. ⁴ Yii àha raa karigii pyi yii yabilimpíi tònŋi kanni kurugo me, ŋka yii a cyi pyi pi sanmpii tònŋi kurugo mú.

⁵ Yii sònŋɔŋkann'à yaa li pyi Yesu Kirisita wuuni fiige:

⁶ U ná Kile na nye niŋkin,

ŋka u nye a li lwó uye funŋ'i si fère sín kuru tayyérege na me.

⁷ U à ñen'a uye tîrige, maa mpa mpyi sùpya, maa mpyi biliwe fiige.

Puru funŋke e

⁸ u à ñen'a uye tîrige,

^b1.27-28 Pii maha jwo: «li tɛgeni li nye mii u lógo na Kile Munaani cye kurugo yii à kwóro ñwómɛɛ niŋkin na.»

maa Kile jwɔmɛɛni cū fo mà sà nɔ kwùŋi na,
 kworokworocige jɔŋ'i u à kwû bá!

⁹ Lire kurugo Kile à u dùrugo sèe sèl'e,

mege k'à fànha tò meyi puni na ke, maa kuru le u na,

¹⁰ bà ñɔnyɔŋi yaayi ná ñɔŋke wuyi ná ñɔŋke jwɔhɔ wuyi puni

si mpyi s'a ñɔŋkure sínni Yesu mege na

s'a u père,

¹¹ si ntèen li taan na

Yesu Kirisita u jye Kafoonji mɛ.

Lire sí pèente taha Tufoonji Kile na.

¹² Lire e ke mii ntàannamacinmpyiibii, pyiŋkanni na yii à mii jwɔmɛɛni cū mà mii yaha yii shwɔhɔl'e ke, mii mée jye mii jye yii shwɔhɔl'e mɛ, yii là bàra tire jwɔmɛɛcunte na. Kile à yii shwɔ báaraŋi ñgemu mɛe na ke, yii a uru pyi yiye ntirigenji funŋke e, yii i pèene taha u na. ¹³ Naha na ye Kile yabiliŋi u à fànhe kan yii á maa uru báaraŋi mpyiŋi lage le yii e, bà u jyii wuuni si mpyi s'a mpyi mɛ.

¹⁴ Yii a yii karigii puni pyi jwɔnyahama ná nàkaana baa, ¹⁵ bà yii si mpyi si ntíi si mpyi tìgire cyaga baa, si mpyi Kile pyii, wà sà tajwugo ta mpiimu na, diŋyeni sùpyire nimpeere shwɔhɔl'e mɛ. Yii bènmp'à yaa p'a ñi tire shwɔhɔl'e mu à jwo wɔrii. ¹⁶ Jwumpe Nintanmpe pu jye na shiŋi ñɔŋkwombaani kaan ke, yii raa puru yu pi á. Lire ká mpyi, Kirisita cannuruge, yii sí mii pyi mii u ñɔŋjirire ta. Lire sí li cyée na báaraŋi ñɔŋaŋi mii à pyi ke, uru jye a pyi ñɔŋɔ baa mɛ.

¹⁷ Yii li cè na uru báaraŋi mii jye na mpyi yii dányani kurugo ke, mii sìshange mée ká mpyi na sí n-wu sáraga fiige uru tooy'e, lire sí n-táan mii i, mii sí n-pyi funntange e ná yii puni i. ¹⁸ Yii pyi kuru funntange e ná mii i mú.

Báaraŋi Timɔti ná Epaforoditi à pyi ke

¹⁹ Kafoonji Yesu ká jɛɛ, li saha sì mɔ mɛ, mii sí Timɔti tun yii á, u u sà màban le yii e, u u yii yirɔŋkanni cè u pa jwo na á, lire sí màban le mii i.

²⁰ Naha kurugo ye uru kanni baare e, sùpya jye naha ñgemu u na sɔŋŋi yii kyaa na mii fiige mɛ. Sèeŋi na, u na sɔŋŋi yii kyaa na. ²¹ Pi sanmpii puni na ñkòre piy'á. Yesu *Kirisita á, bà pi jye na ñkòre mɛ. ²² Ìjka Timɔti wi ke, yii à li cè na u à li cyée na u na jye báarapyi ñɔŋcɛŋɛ. U à mii tège Jwumpe Nintanmpe ñjwuŋi na, bà pyà maha u tu tège báara na mɛ.

²³ Lire kurugo mii karigii sí n-cwɔɔnrɔ n-yaha cyage ñkemu i ke, mii aha bú kuru cè, mii sí n-tíi u tun wani yii yyére. ²⁴ Mii mú s'à tèn ná l'e,

Kafoonji ká jɛɛ, li saha sì mɔ mɛ, mii yabiliŋi sí n-sà n-fworo yii na.

⁹Mà mii yaha ná u e, li saha nyɛ na nt̄iri mii funɲ'i na Saliyaŋi kuni naaraŋi cye kurugo mii à t̄íi mɛ. Ŋka mii à dá Kirisita na ke, lire cye kurugo Kile à jwo na mii à t̄íi. Dániyaŋi cye kurugo Kile maha jwo na s̄upyaŋ'à t̄íi. ¹⁰Nde mii na ɲcaa ke, lire li nyɛ mà Kirisita yal'a cè, fànhe k'à u pyi u à ɲè a fworokwòŋi i ke, si kuru ta mú, yyefuge k'à u ta ke, si jyè kur'e mú, pyiŋkanni na u à uye t̄irige maa ŋkwù ke, si lire pyiŋkanni lwɔ́ mú. ¹¹Cyire puni lage nyɛ mii na, bà Kile si mpyi si mii ɲè ɲjige kwòŋi i mɛ.

Wuu wuye waha wuu u tafɛere fê a nɔ ti tɛgeni na

¹²Li nyɛ mu à jwo mii à na karigii pyi a nɔ cyi tɛgeni na maa cyi t̄òŋŋi ta, lire nyɛ mɛ mà pyi t̄igire cyaga baa mɛ. Ali nume, mii à yyaha le tafɛere na, bà mii si mpyi si mpyi Yesu Kirisita fiige mɛ. Lire kurugo Yesu *Kirisita à wuu cwɔɔnr'a pyi uye wuu. ¹³Mii c̄inmpyiibii, mii nyɛ a jwo na mii à ti t̄òŋŋi ta a kwɔ́ mà dɛ, ŋka kyaa niŋkin li nyɛ mii funɲ'i, lire li nyɛ: karigii cyi à t̄òr'a kwɔ́ ke, mii nyɛ na cyire kàanmucaa mɛ, nde li nyɛ mii yyaha yyére ke, lire mii nyɛ na ɲcaa ná na cyeyi shuunniŋi i tafɛere e. ¹⁴Mii à naye waha tire tafɛere vèŋi na, fo si sà nɔ ti tayyérege na, bà mii si mpyi si ti t̄òŋŋi ta mɛ. Uru t̄òŋŋi kurugo Kile nyɛ na wuu yiri niŋyiŋi na Yesu Kirisita cye kurugo.

¹⁵Lire e ke Kile Jwumpe à tateenge wwù wuu mpiimu zòmpyaagil'e ke, wuu s̄òŋŋɔŋkanni l'à yaa li pyi lire. Yii wà ha nta ná s̄òŋŋɔre taber'e, Kile sí yi yyahe f̄iniŋe n-cyèe urufoo na. ¹⁶L'aha mpyi pyiŋkanna o pyiŋkanna na, Kile kuni i yii nyɛ fo mà sà nɔ nume na ke, yi kwòro lire kuni i.

¹⁷Mii c̄inmpyiibii, yii puni naaraŋkann'à yaa li pyi mii wuuni fiige. Mpii pi na ɲaare wuu naaraŋkanni na ke, yii a pire pyiŋkanni taanni. ¹⁸Jwumpe p'à jwo na Kirisita à kwù kworokworocige na ke, p̄ii na nyɛ wani yii shwɔhɔl'e, pire kapyiŋkil'à li cyèe na pi na puru jwumpe t̄unni. Mii à fyànha a yi jwo yii á, ŋka nume mii meesuwuŋi saha sí núru yi taha yii á. ¹⁹Pire canmpyaagii ká ŋkwɔ́, Kile sí pi shi bò, ɲaha na ye pi à pi mùntanma karigii funɲɔ lwɔ́ mà t̄òro Kile na. Karigii cyi sí pi sílege ke, pi maha piye p̄e ná cyire e. Diŋyeŋi karigii kanni cyi à pi yyaha ɲí.

²⁰Ŋka wuu pi ke, wuu pyenge na nyɛ niŋyiŋi na Kile yyére. Wuu na wuu Kafoonji Yesu Kirisita sigili, uru u nyɛ wuu Shwofooŋi. U sí n-ȳiri wani si mpa. ²¹U aha bú mpa, u sí wuu cyeere fànha baa woore k̄eɛŋe mpyi cyere nisinana u woore fiige ná u sífente e, tire ntemu ti sí yaayi puni pyi yi kúu u á ke.

Poli à sònḡḡkanni nḡcenni cyêe dánafeebii na

4¹Nye mii ntàannamacinmpyiibii, mii la à sîi si núru yii nya. Mii funḡk'à táan yii kurugo, yii à mii jùḡke yîrige. Mii ntàannamacinmpyiibii, yereyi mii à kan yii á nume ke, yire kurugo, yii kwôro Kafoonji Yesu wwoḡeḡe e.

²Mii na li jáare Evodi ná Sentisi á, pi i bê niḡkin na, pi i ḡkwôro Kafoonji wwoḡeḡe e. ³Mu u nye mii báarapyḡḡeḡi sêe wuḡi ke, mu wi ke, mii à li cya mu á, ma a mpíi cyeebii shuunniḡi tēḡe, jaha na ye pi à fère sín ná mii i, ka wuu u Jwumpe Nintanmpe jwo sùpyir'á, mà bâra Kilema ná wuu báarapyḡḡebii sanmpii meyi y'à sême shìḡi niḡkwombaani tafeebii meyi tasemeḡe e ke.

⁴Yii pyi funntange e Kafoonji kurugo tērigii puni i. Mii sí yi taha yii á sahaḡki, yii pyi funntange e. ⁵Yii sùpyire puni yaha pi li cè na yii na nye jùmpinḡfee. Kafoonji nye yii ḡkere na. ⁶Yii àha zii kyaa tēḡe yiye funḡo pen me, ḡka yaaga maha yaaga kyaa ku nye yii na ke, yii kuru cya Kile á, yii i u jáare sèl'e, yii i fwù kan u á. ⁷Lire ká mpyi, yyeḡinḡke Kile maha ḡkaan ná k'à tòro sùpyani sònḡḡkanni taan ke, kuru sí n-kwôro yii zòompíi ná yii sònḡḡre na Yesu Kirisita wwoḡeḡe e.

⁸Nye mii cinmpyiibii, jwumpe nizanmpe mii sí n-jwo yii á ke, puru pu nye mpe: kyaa maha kyaa li nye sêe ke, pèente na ntaa kyaa maha kyal'e ke, kyaa maha kyaa l'à tíi ke, kyaa maha kyaa l'à fíninḡe ke, kyaa maha kyaa l'à táan Kile á ke, kyaa maha kyaa l'à yaa l'a mpyi ke, kyaa maha kyaa l'à jwo ke, kyaa maha kyal'e sùpya sí n-jà ḡkèe ta ke, yii a sônḡi cyire karigii shinḡi na. ⁹Mii à yii taanna karigii jcyiimu na, ka yii i jcyiimu ta, maa jcyiimu lógo mii jwo na ke, mà bâra yii à mii nya jcyiimu tapyige e ke, yii a cyire pyi. Lire ká mpyi, Kilenḡi u maha yyeḡinḡke kaan ke, uru sí n-pyi ná yii e.

Poli à fwù kan Filipi shiinbil'á pi bùnye yaayi kurugo

¹⁰Mii funntanga wuḡ'à fwù kan Kafoonji á sèl'e, jaha na ye yii à li cyêe mii na sahaḡki na yii na sônḡi mii na. Yii mpyi a fyánha na sônḡi mii na, ḡka pyinḡkanna nye a mpyi yii á si mii tēḡe me. ¹¹Yaaga kurugo bà mii nye na yi yu mà de, jaha na ye yaaga na nye mii á yo, yaaga nye mii á mà yo, cyire puni maha bê mii á. ¹²Fòḡke e yo, yaarafente e yo, mii à naye pyinḡkanni cè. Pyinḡkanna maha pyinḡkanna na mii à sîi cyaga maha cyag'e ke, lire maha bê mii á. Yalyire na nye mii á yo, mii na nye katege e yo, yaarafente e yo, yaare kuunḡi i yo, mii à tēe cyire puni na. ¹³*Kirisita à fánhe ḡkemu kan mii á ke, kuru ku maha mii pyi mii u jini cyire karigii

puni na. ¹⁴Ŋka lire ná li wuuni mú i, yii à mii tège mii yyefuge tènì i, yii à kacenne pyi.

¹⁵Yii Filipi shiinbii pi ke, yii à li cè na tènì i mii à yîri Masedoni kùluni i mà pa Jwumpe Nintanmpe njwuŋi jwɔ cù ke, yii baare e, dánafeebii kurunke kabere nye a cye le mii á na báaraŋi i me. Yii à tòn ta mii báaraŋi i, maa mii tège ná yii cyeyaayi i. ¹⁶Ali mà mii yaha Tesaloniki kànhe e, yaayi kuunji u mpyi mii na ke, yii kanni pi à yire tùugo mii á fo tooyo shuunni.

¹⁷Li nye mu à jwo yii cyeyaayi yà kurugo mii nye mà de, ŋka mii la ku nye Kile si jwó le yii á, yii cyeyaayi niŋkanyi kurugo. ¹⁸Yaayi puni kyaa li mpyi mii na ke, yii à là taha yire na mà kan Epaforoditi u à pa ŋkan mii á. Numɛ mii funŋk'à níŋe, naha na ye yaaga kuu saha nye mii na me. Yir'à pyi mu à jwo sáraga nùguntanga wogo ŋkemu na Kile à jɛe ke. ¹⁹Mii Kileŋi sí yii màkwunwɔyaayi puni kan yii á mà tàanna ná u yaarafente tɛgele baa woore e, Yesu Kirisita kurugo. ²⁰Pèente ti taha wuu Tuŋi Kile na fo tèekwombaa. Amiina!

Fwùŋi nizanŋi

²¹Yii Kile wuubii puni niŋkin niŋkin shéere Yesu *Kirisita wwojɛge e. Cɪnmpyiibii pi naha naha ná mii i ke, pir'à yii shéere. ²²Kile wuubii puni pi nye naha ke, pir'à yii shéere. Ŋka mpìi pi nye na báaraŋi pyi *Ɔromu saanbwɔhe *Sezari pyenge e ke, ncyì bá a taha pire u fwùŋi niŋkanŋi na.

²³Kafoonji Yesu Kirisita u jwɔ yii na, u u jwó le yii á.